

占已蒼然神
味黯然而丰

骨尤極其高
勁三百年來

第一大作手

縱橫離合極

神化之妙而

骨力峻絕精

彩沉雄直可

馳騁千秋昌

黎而下未易

言對手也

何等法度

送都御史王公移鎮陝以西序

都御史王公巡撫河南之明年是為嘉靖甲申 詔

乃移公于陝西於是河南藩臬長貳百司庶尹暨郡

邑之吏罔不愕然相顧失色曰撫公之蒞茲邦也民

紓盜息四境告寧吏嚴于條官守其程乃今一旦移

而之西如吾民何李子曰出入無常者王臣之體也

守之以恒者侯邦之義也是故封疆有吏軍刑各職

或其舛也則王臣者出而臨焉無常員也事定則返

無限年也有他委則移之無專方也今之撫臣固出

而臨者也故其體不能不異且以民言之河與陝奚



引旦與以美
王公非以為
奢也期之也

閑映鎖合處
極整而不板
蓋運筆之化
也
其轉折頓挫
照應之法非
深思不識

殊矣。昔者周之定天下也。陝以西。旦主焉。陝以東。奭主焉。河之南。固陝之東也。安知今天子不以旦奭待我公哉。抑聞之時有利阻。勢有夷險。事有難易。才有偏兼。故用才以兼。則改難為易。化險為夷。變阻為利。此因時順勢謀事之大端也。陝以西。險塞之國也。羌胡是界。甲兵所急。故其事難。賦役煩瑣。調度頻複。故其時阻。不有兼材。鮮克濟之矣。予故謂王公移鎮於西者。用其兼也。亦以旦奭之業望之也。或曰。地遠者疎。位崇者危。名高者妬。昔馮異之鎮關中也。謗書盈篋。使非光武之明。雖欲以兼制難。乘利固險。樹勳

辭語嚴正可
以不磨
一篇似極贊
王公然實推
美處止于民
紓盜息四語
耳可見徒以
美言奢人則
文章弗貴信
夫
復用涵泳法
收結全篇絕
無滲漏而讀
者全然不覺
所以爲妙

流聲。吾恐寇恂無河內之借。而樂毅有辭燕之書也。
李子曰。蹇蹇匪躬者。王臣之義也。夷險弗避者。君子
之節也。進止以時者。賢聖之行也。故成王能君。召公
思歸。而旦有君奭之篇。今以王公之兼才。必入而委
之。保傅夾輔之任。陝以西。豈久居公哉。於是冬十月
初吉。諸邦侯。餞公大梁之郊。觴三行。各稱詩諭志焉。
藩使杭公歌曰。有客宿宿。有客信信。言公之莫留也。
臬使張公歌曰。周邦咸喜。戎有良翰。言西之人。懼也。
諸寮佐則賡之曰。文武吉甫。萬邦爲憲。言河與陝均
也。

張以忠曰體嚴局整神圓法化其韵調尤稱卓絕

又曰此文極峻毅中自極雍雅古而法典而嚴
文章至此直造絕巘窮巖令後之作者無處
下手宜于鱗諸子莫敢與並軫爭塗也

此極正極奇

文字

總括一篇之

旨後逐段分

應之

三段氣骨高

凝詞局整鍊

而古色映照

尤妙

雖每段照應

而運筆如貫

珠絕無痕迹

李君陞按察司僉事兵屯潁上序

兵○刑○天○下○之○忌○器○也○然○聖○王○能○使○人○不○犯○刑○而○不○能○
使○天○下○無○兵○能○使○兵○設○而○不○用○而○不○能○使○兵○一○日○而○
無○食○能○使○兵○足○於○食○而○不○能○不○分○之○以○官○何○則○專○其○
事○則○有○緒○而○易○理○責○衆○則○勞○倍○而○鮮○功○昔○周○成○康○之○
世○刑○措○四○十○餘○年○不○用○可○謂○極○治○然○猶○羽○旄○章○于○禮○
器○干○戚○存○乎○樂○舞○兵○車○藏○於○比○閭○故○曰○聖○王○能○使○人○
不○犯○刑○而○不○能○使○天○下○無○兵○當○是○之○時○四○夷○賓○服○干○
戈○朽○于○武○庫○然○猶○歲○終○計○盈○縮○九○年○論○耕○畜○故○曰○能○
使○兵○設○而○不○用○而○不○能○使○一○日○而○無○食○及○其○立○官○則○

氣極安閒而
筆其繁湊

無此一宿不
惟文氣太促
而轉筆亦少
味

又分照上面
整暇之中妙
極變化

司寇司刑司馬司兵司徒司食故曰能使兵足于食
而不能不分之以官今按察提刑官也益之以軍馬
城池則司馬事也又埤之以屯田則司徒事也是故
其境內刑有弗允以問司寇司寇乃下而問按察食
有弗給以問司徒司徒乃亦下而問按察按察所主
之境地誠狹也兵少也屯寡也猶之可也今李君主
潁上之境其地跨江淮邊四省而犬牙民健訟而善
潛非必三獄以隔別雖小亦頻年無了期李君信善
刑然能之咸允乎蓋所轄衛兵率萬計其官率各
奴戮魚之又素跋扈稍繩則亢大繩則訐更大則

又結又轉
就李君身上
發揮按脉布
調極圓極密

今天子以下
他人必直說
刑與兵食此
又幹轉去

計脫之君。卽善兵。能必其無不修乎。又屯田疲弱。不盡墾。豪強占膏腴。租入或於私門。逋欠積而牽連。李君卽善調食。然又能必其無不給乎。余故曰。責衆則勞倍。而鮮功。雖然得其本。萬事理。李君固明恕剛慎人也。識高而變通。夫明恕剛慎者。政之本也。識高變通者。才之緒也。以此治事。尚有不允不修不給者乎。且君故爲司寇屬。至著也。又出而知陳州矣。此所謂賢練之吏也。如此而尚有不允不修不給者。吾弗信之矣。今天子。天子。夫夫明斷。方祛故布新。他日或問江淮間。刑于司寇。司寇誠對曰。允矣。問兵司馬。誠對曰。

又如此挽上
奇絕
融結章首意
神奇渾化而
意更含蓄感
而不傷

修矣。問食司徒誠對曰。給矣。又咸曰。此兼衆責而能
功者也。則君不謂之得其本者而誰邪。三卿者佐今
天子用之天下者。誠皆有本者也。則刑不可使之犯
兵可設而不用。食可無不足也。此所謂聖王之治也。
張以忠曰。高才偉識峻詞古調。矩度繩尺。匠心鎔鑄。

獨出體裁。自稱傑筆。

刻戰國策序

戰國策載一代之事辭則一代之史也其文斷不可不傳以不傳觀篇中所云四尚覺戰國文之所以傳且述者已盡于此頓挫之中運筆自化

善讀戰國策

嘉靖二年秋七月河南省刻其戰國策成或問戰國策畔經離道之書也然而天下傳焉後世述焉何也李子曰策有四尚尚一足傳傳斯述矣况四乎四者何也錄往者迹其事考世者證其變攻文者模其辭好謀者襲其智襲智者謫模辭者巧證變者會迹事者該是故述者尚之君子斥焉斥者何也以比之經則畔揆之道則離也自秦籍之焚也三代之迹蕪矣是策也國列政具巨昨音午細眈音戶亦人詳物蔽采之足以備史資之足以弘識記之博洽談之奇詭

直布四段而
神脉貫洽絕
不留接續痕
跡

正義嚴詞

故曰迹事者該而其爲書也立縱橫倡押闔勢利啖
軋音押讒誑傾奪無復廉恥是非之心今觀其時如羣
兒一餅爭獲自矜於乎先王之禮樂刑政至是乎蔑
矣故曰證變者會遂使仁義晦塞橫議膠固申韓爲
哲儀秦是師狙詐者理其緒揣摩者竊其矩陷擠者
規其險謬誑者程其欺故曰襲智者譎文叔有言高
下相求陽縱陰閉其情隱其辭妙是策也有竟日之
難辯而一言之遂白者是以文卿墨儒服其意淵眈
其體簡轉者法其宛諦者祖其透蓋言巧也故曰模
辭者巧李子曰予讀戰國策而知經之難明也經不

俗成于尚士
夫子緣是今

時第一藥石
然古今莫以

易也

推佛老之害

足徵公學術

醇正

識議不可磨

感慨含蓄

明○則○道○不○行○何○則○巧○以○賊○拙○譎○以○妨○直○時○變○世○悲○傷○
往○憂○來○夫○俗○成○於○尚○士○壞○於○緣○尚○者○樂○其○同○緣○者○憚○
其○收○傳○者○安○於○習○述○者○狃○於○襲○雖○知○其○非○駸○駸○入○之○
矣○佛○老○其○類○也○或○問○周○何○以○有○戰○國○也○李○子○曰○文○禍○
之○也○先○王○以○禮○之○必○文○也○制○辭○焉○出○乎○邇○加○乎○遠○通○
乎○其○事○達○諸○其○政○廣○之○天○下○益○矣○於○是○重○辭○焉○流○之○
春○秋○號○曰○辭○令○其○末○也○弊○巧○譎○相○射○遂○爲○戰○國○曰○讀○
其○書○者○誠○文○焉○可○矣○不○駸○駸○入○之○乎○李○子○曰○嗟○予○曷○
知○哉○予○曷○知○哉○反○古○之○道○者○忠○焉○質○焉○或○可○矣○是○年○
也○監○察○御○史○澶○州○王○君○會○按○河○南○則○謂○李○子○曰○史○之○

義得失列刻其策以觀來者。曾氏所謂因以爲戒者也。

張以忠曰鏗鏘古鬱俯瞰韓馭

又曰鑄詞嚴古運想精畫結調沉雄人巧天工

兩臻其極

陳思王集序

曹植與丕同母弟也不受禪二年監國謁者希指論劾其罪召至欲誅之以太后故倖免然廢黜禁錮屢瀕于死蓋深憾植有奪嫡之謀也攷之于史植性簡易不治威儀初非有心奪嫡者王仲淹以植爲三以天下讓寔是微顯闡幽之

予讀植詩至瑟調怨歌贈白馬浮萍等篇暨觀求試審舉等篇未嘗不泫然出涕也曰嗟乎植其音慨其情危其言憤切而有餘悲殆處危疑之際者乎予於是知魏之不競矣先王之建國也重本以制外敦睦以序理然後疎戚有等治具可張故曰九族既睦平章百姓又曰至于兄弟以御于家邦魏操以雄詐智力盜取神器丕席父業逼禪據尊乃不趨時改行效重本敦族之計而以凋剪枝幹委心異族有弟如植俾之危疑禁錮覩事扼腕至於長歎流涕轉徙悲歌

論非溢詞也

所謂以天下讓正在此

多悲婉悽愴之致而文亦古勁

不能自己。嗟乎。予於是知魏之不競矣。且以植之賢。稍自矜飾。奪儲特反掌耳。而乃縱酒刻晦。以明已無上兄之心。善乎文中子曰。陳思王達理者也。以天下讓。而猶衷曲莫白。窘迫歿身。至今其豆之吟。嗟吁之歌。令人慘不忍讀。不之於兄弟誠薄矣。嗟乎。此魏之所以爲魏也。又按植審舉表云。權之所在。雖疎必植。勢之所去。雖親必輕。予嘗撫卷歎息。以爲名言。其又曰。取齊者田族。分晉者趙魏。意若暗指司馬氏者。獻號明主。乃竟亦不悟。卒使植憤悶廢疾而死。而或以爲扶蘇殺而秦滅。季札藏而吳亂。天之意非爲扶蘇。

結調蒼

季札將以滅秦而亂吳也若是則魏之不能用植固亦天棄之矣然予又獨恠操之能生植焉豈亦所謂不係世類者哉

張以忠曰古鬱鏗鏘筆高識老

又曰世之深惜植者以植美才不試且逼禪之舉與植無與耳不知植唯不得爲嗣也如嗣搽得王則纂漢自帝豈在不後且又無悒鬱不得志之懷發行篇章播濂流韻以爲世鑒賞方且被惡名而又惡足惜也則植之不得爲嫡嗣固又植之幸也哉

觀風亭記

卓絕之調鉅麗之辭宏偉之筆古鬱之氣即柳州先生諸記亦不能越軫而馳此文駕軼宋唐追蹤秦漢堪與伯仲者意惟孫卿自餘諸子亦非倫匹

亭在風穴之山迥峻峭削環千里而孤者也形拓勢積靈秀山沒登之日豁神迅志搖襟擴嘉靖七年夏監察御史譚子巡而歷汝而游于亭乃俛首而嘆曰嗟美哉山河弗改世代遷矣吾其觀哉以問分守伍君曰天地既中風雨時會卜洛定郊表方測景吾觀其時譚子曰美哉是古今之慨也以問分巡王君曰冠嵩帶汝伊闕我朝沃野廣麓樵獵樹藝吾觀其土譚子曰美哉是利用之思也二公于是避席而請曰敢問先生何觀也譚子曰豁舒窈如噫如噴如噓

高華老潔兼
盡其神

緩急疾徐一
合度

闡發觀風兩
字義精析玄
暢議論極大
筆力極高

如吾觀其風曰風者何也譚子不答它日二君遇空
同子述其事空同子曰美哉觀各得其職矣雖然風
其大乎夫天下之氣必有爲之先者而鼓之則莫神
于風故颼颼乎莫知所從淪淪乎莫知所被溜溜乎
莫知其終也其德異故其入深其幾微故入物而物
不自知其行疾徐故其入不齊其變也乖和殊故物
有瘠腴純駁性隨之矣性發情逸淳澆是效而俗隨
之矣俗沿習成美惡相安而政隨之矣是故先王知
風之神也于是節八音以行八風然患其乖也于是
使陳詩觀焉詩者風之所由形也故觀其詩以知其

急轉神脉堅
掉體局淵宏

逆旋典與丰
神雋拔而等
尤勁爽

政觀其政以知其俗觀其俗以知其性觀其性以知其風于是彰美而痺惡漸澆而培淳廸純以剷其駁而後化可行也夫監察者固舉刺之要臣以風爲觀者也然登其亭履其穴而後嘆何也天下未有不觸而動者也觸以動嘆叩而不答臣之要也得其職矣職神于風故稱大焉雖然二君不小矣昔者文王之化行也不自汝墳始乎今之汝固古之汝汝之土猶古之土也昔者風之南也蔽芾甘棠詠愛也守之行也野有死麕歌嚴也巡之政也監察臨之二君行之何患乎非時故曰斯民也三代之所以直道而行也

二君曰美哉空同子之言風也請諸監察以名其亭
列之堅石

張以忠曰文極峻鍊而雋氣行乎其中故莊嚴風雅

兩臻其妙

又曰古來無此格調先生創爲之馳騁上下莫

敢並能

直臣字義

為人臣子立
八本朝者宜
只讀此文數
遍

今之臣子唯
諾苟容縱有
稱敢言者彈
章曰上而植
黨遂私者什
九求其氣直
蓋寡矣況心
乎

舉人吳廷對字直臣。李子曰：字直臣何也？吳生曰：廷對者，對於廷之名。對不直，不可以爲臣。故曰直臣。李子曰：生奚直焉？吳生瞿然避席而請曰：直不同乎？李子曰：夫博問強記，奮辭而駭人曰：我能爲逢，爲干，此其直以言也。而未必有諸氣。天威臨于上，斧鉞在側，鼎鑊在前，揚眉吐膽，能批逆鱗，觸忌諱，屹然山立，此其氣直矣。然退而悔焉，不可謂心也。古之直也，莫如史魚。孔子贊魚曰：邦有道如矢，邦無道如矢，是矣。乃他日又曰：邦無道危行言孫。孫者，非直之反乎？子讀

此轉更曲盡
直字之義、

喻妙

今日朝紳讀
此應亦刺心

易乎王臣蹇蹇直矣。又曰。遇主于巷。又曰。納約自牖。一何曲而徐也。夫水性曲而木則直。二者愚夫愚婦所知也。木生石底。不側出。不獲達。而建瓴屋脊。水下也。雖賁獲之勇。不能使之曲也。故臣無二道而直。有五義。一曰言。二曰氣。三曰心。四曰時。五曰勢。生也。奚直焉。吳生曰。願聞其詳。李子曰。夫直人者。未有不。自直者也。故隱污之行。行於家。而光大之議。揚於國。共驩其身。而以堯舜之道責君者。此所謂言直者也。非直之實也。故言者。其華也。氣者。其充也。心者。本也。時者。逢也。勢者。用也。故直言者。必氣直。氣者。必心識。

証確

結法妙極繁
迴前人無此
繩尺可謂神
奇

時者先機審勢者有爲五者不能全則聖矣殷之三
仁或去或不去孔子之無可無不可是也孟子論氣
曰直養而無害易曰敬以直內學之事也通乎上下
者也生也奚直焉吳生於是俯而思仰而歎曰大哉
對也往謂臣之直也問焉如黃焉已矣諍焉如雲焉
已矣犯焉如允語黑子云焉已矣而不知直之義若
是浩也乃今聞教矣

王世貞曰李子之文沉深莽宕激昂鼓壯峭鳴懣悽
忽正而奇正若嶽厲奇若海颶

張以忠曰神骨高凝筆力雄勁而頓宕運旋工巧尤

在矩法之外自是開闢手

何景明與空同先生論詩書

捨筏達岸之
論千古不易
然水落石出
作者自有其
候不可一槩
律也

空同先生可
謂能匠心結

構者矣而伸

默尚爾云然

今之人漫云

不朽業談何

容易

岸然自負

敬奉華牘。省誦連日。初憮然若遺。既渙渙然若有釋也。發迷蔽。愛助激成。空同子功德我者厚矣。僕自念離析以來。單處寡類。格人逃德。程缺元龜。去道符爽。是故述作靡式而進退失步也。空同子曰。子必有諤諤之評。夫空同子何有于僕也。然僕所自志者。何可弗一質之。追昔為詩。空同子刻意古範。鑄形宿鏤。而獨守尺寸。僕則欲富于材。積領會。神情臨景。構結不做形迹。詩曰。維其有之。是以似之。以有求似。僕之愚也。近詩以盛唐為尚。宋人似蒼老而實疎鹵。元人

縱心千載與
古人遠結心
期繼响流美
自是豪傑苦
心研刻處

聶音亮節情
詞高妙

似秀俊而實淺俗。今僕詩不免元習而空同近作。聞
入于宋。僕固蹇拙薄劣。何敢自列于古人。空同方雄
視數代。立振古之作。乃亦至此何也。凡物有則弗及
者。及而退者。與過者焉。均謂之不至。譬之爲詩。僕則
可謂弗及者。若空同求之。則過矣。夫意象應曰合。意
象乖曰離。是故乾坤之卦。體天地之撰。意象盡矣。空
同丙寅間詩爲合。江西以後詩爲離。譬之樂。衆響赴
會。條理乃貫。一音獨奏成章。則難故。絲竹之音。要眇
木、董、之、音、殺、直、若、獨、取、殺、直、而、并、棄、要、眇、之、聲、何、以、
窮、極、至、妙、感、情、飾、聽、也。試取丙寅作叩其音。尚中金

讀大復先生

此文大似從

晉魏六朝脫

化來而又以

空同主曹劉

阮陸為未盡

詩之妙則原

非畢力于一

家言者

富于材積固

是正論而刻

意古範則空

同邁往之苦

心也然日間

入于宋意亦

石而江西以後之作辭艱者意反近意苦者辭反常

色澹黯而中理披漫讀之若搖鞞鐸耳空同貶清俊

響亮而明柔澹沉著含蓄典厚之義此詩家要旨大

體也然究之作者命意敷辭兼于諸義不設自具若

閑緩寂寞以為柔澹重濁剗切以為沉著艱詰晦塞

以為含蓄野俚輳積以為典厚豈惟繆于諸義亦併

其俊語亮節悉失之矣鴻荒邈矣書契以來人文漸

朗孔子斯為折衷之聖自餘諸子悉成一家之言體

物雜撰言辭各殊君子不例而同之也取其善焉已

爾故曹劉阮陸下及李杜異曲同工各擅其時並稱

氣格不無與
時高下耳

此並能尚論
古人者

名論必不可
朽

能言何也。詞有高下。皆能擬議以成其變化也。若必
例其同曲。夫然後取。則既主曹劉阮陸矣。李杜卽不
得更登詩壇。何以爲千載獨步也。僕嘗謂詩又有不
可易之瀟者。辭斷而意屬。聯類而比物也。上考古聖
立言中徵秦漢諸論。下采魏晉聲詩。莫之有易也。夫
文靡于隋。韓力振之。然古文之瀟亡于韓。詩溺于陶。
謝力振之。古詩之瀟亦亡于謝。比空同嘗稱陸謝。僕
叅詳其作。陸詩語俳。體不俳也。謝則體語俱俳矣。未
可以其語似。遂得並例也。故瀟同。則語不必同矣。僕
觀堯舜周孔子思孟氏之書。皆不相沿襲而相發明。

存此一說議
論便可參大
復學問得力
處

忠告之語

是故德日新而道廣。此實聖聖傳授之心也。後世俗
儒專守訓詁。執其一說。終身弗解。相傳之意背矣。今
爲詩不推類極變。開其未發。泯其擬議之迹。以成神
聖之功。徒叙其已陳。脩飾成文。稍離舊本。便自杌隉。
雖繇此。卽曹劉卽阮陸卽李杜。且何以益于道化也。
佛有筏喻。言捨筏則達岸矣。達岸則捨筏矣。今空同
之才。足以命世。其志金石可斷。又有超代軼俗之見。
自僕遊從。獲覩作述。今且十餘年來矣。其高者不能
外前人也。下焉者已踐近代矣。自創一堂室。開一戶
牖。以傳不朽者。非空同撰焉誰也。易六傳曰。神而明。

空同報書未
免激于氣故
不錄

之存乎德行。成性存存。道義之門。是故可以通神明。
可以攝衆妙。可以出萬有。是故殊途百慮。而一致。歸
歸。夫聲以竅生。色以質麗。虛其竅。不假聲矣。實其質。
不假色矣。苟實其竅。虛其質。而求之聲色之末。則終
于無有矣。北風便糞。反覆鄙說。幸甚。

張以忠曰。筆力勁古。辭氣俊邁。是自開堂奧者。名世
之作。

又曰。空同先生具命世之才。凌厲百代。其詩文
宜無間然而大復。猶諄諄規切如此。可見
古人朋友誼。堅金石。切磋不倦。故能著不

朽之業今之人學力不足追古文章不足
垂後而互相推獎惟詛是聞匪佞則盲而
已讀此文當惕然一省

上作論

振飭風俗之
志慨然見于
言表

大意言有國

家者欲士以

節義自持必

先預以節義

坊維天下而

後士有不易

之捺國有真

安之寔不然

素無砥礪之

用一旦責人

以飾義服節

吾懼屹然能

自立者少也

縉紳先生讀
之應亦捫心

夫觀世以易化者聖也。矯時以從俗者明也。物必有
弊。承弊者復其盛。勢必有變。襲變者反其常。故五帝之
世。循環不悖。而三王之時。因革竝施。夫世之所使。時
之所移。從來遠矣。其原皆出於上之所作。故也。夫好
劍之門多創客。善醫之門多病人。物聚于所致也。故
明聖之世。則人飾義而服節。汙濁之時。則人毀行而
喪守。何也。致之者則然矣。正道壞則邪徑成。公室衰
則私門盛。自古及今。未之有易也。正之與邪。公之與
私。氓隸之人。能辨其所好惡。然所從違非者。世之榮

自媿

叙事極變化

顯富厚者不在此而在彼也。故五尺童子聞人稱其善亡有不喜者也。至於榮顯富厚之所在。則雖有縉紳冠冕之徒。亡不棄廉捐恥以附者。豈其所爲自喜者。不如童子也。勢至而利交。則情動而蔽其心也。是故上之人觀於時勢之變。推於教化之端。明義崇節。而紬勢利。是以正道可復。立公室可復。振而遂邪。順私之俗可絕也。漢哀帝之寵董賢。而孔光張禹皆在大臣位。然身親屈焉。王莽之世。所謂臣服盡漢公卿。楊雄最號恬於利祿。然且爲媚作符命焉。及至唐有八司馬者。皆以其才而汙於王叔文之黨。夫數子者。

嚴觀已事士
君子可爲永
鑒

嚴切沉古詞
氣毅然高文
本筆

或榮耀終身。或貶死當世。卒爲世之耻詬。不道於君
子之門。雖其所自立。然亦上之所劇。世之所移也。夫
至著者義也。至尚者節也。故上以節義較天下。雖有
蠢愚。必不以其身爲標矣。雖有闖茸。必不以其行爲
名矣。何者。標者衆目之表。而名者衆口之實也。故章
鵠以行賞亡不射矣。詈鬼以除病亡不罵矣。夫嚴母
之育貞女也。入則有重關之限。出則有鳴玉之飾。寢
則有絺結之固。然後淫邪不入。情欲無感。而修潔之
行成也。是故節義者士之大防也。先王以此防人。故
立激勵之方。興勸賞之法。致式閭之敬。施表墓之恩。

古
一結緊切嚴

安車懸旌以彰其徵累帛加璧以示其予由是義明而節崇故雖有昏亂之世而無失身之士雖有汚隆之時而無回面之臣豈不由上之所作耶是故義者有國之維也節者有國之衛也國之有不固者維不立而衛弛也

張以忠曰節義者立身行己之綱維士所自持若必待作于上則亦非純守矣然帝王明節飭義以治天下自是持世要術轉移風俗救正人心寔原于此文特嚴峻深雄結撰古

茂

徐禎卿崇化論

選字雄勁而章法亦楚

此文蓋爲風有位而作也高鍊沉雋

君子持身之本立朝之道礪世之權循此已足

夫治興有兆。亂生有徵。本末消息。皆有漸焉。智者之所卜。愚者之所忽也。曷言之。天下將治。其象清明。天下將亡。其象穢濁。清明者。何。吉士并進。其道尚貞。陽剛以舒。泰之光也。穢濁者。何。小人在上。其俗尚羣。陰惡糾障。否之祲也。故唐虞之世。百辟維寅。幽厲之世。其臣好佞。此治亂之所繇異也。故君子立人之朝。以嚴正爲本。以忠慤爲節。以廉直爲限。以羞惡爲心。故道義顯明。風俗歸正。此詩人所以歎咏於羔裘者也。乃若廉恥道喪。國維殄絕。干枝交門。邪曲黨媚。詩曰。

古今文錄
卷十五
五
執其本推其
用經世事業
不外此

世衰道喪則
賢否混淆其
弊必至此極
矣讀之令人
可痛可涕

如鬼如魅。則不可測。鬼魅并作。國胡不亡。故嚴正忠
慤廉直。羞惡此八者。賢士所恃以守身。明君所藉以
立國者也。執其本推其用。則咸熙之治。太平之祥。可
立致也。方今世遭末季。大道既隱。俗尚貪利。而惡貧
苦。喜趨競。而惡守玄。附阿成風。固祿營寵。依敝仍陋。
莫敢正色。直士肆言。則曰。狂穉廉夫。秉慤則曰。茸材
毀蠹。擿疵則曰。昧體發姦。正否則曰。機擯賂鼠竇者。
有顯譽。伐炎門者。有幽黜。巧容默者。有高爵。善甘奉
者。有最考。剝民脂者。有肥蔭。沽軍功者。有上賞。向豪
賊者。有疾禍。禁私利者。有深詬。豺狼載道。狐鼠成羣。

鑒其弊而返
之端在有位

史漢文字爛
熟于中而又
能鏐鑄而出
其詞局則似
其氣格則遜
矣

樗礫雜用。瓦石同鳴。教化墮頓。仁義不明。賢直發怒。
閭庶呻吟。此皆國政之大蠹。時俗之深痛也。夫明者
覩患于無形。智者參慮于未萌。易曰。履霜。堅冰至。豈
曰無愆。此遲之漸也。夫時消時息。非天地之所生。實
在位之咎也。詩曰。赫赫師尹。民具爾瞻。可不慎哉。且
衰者盛之本也。固者復之漸也。天地之機。生生不息。
而況于人乎。若能補過反德。滌穢布新。砥礪道德之
樸。以弘教化之門。熏貪鄙之穴。墮彊右之垣。崇鯁直
之節。斥同比之謀。則大化流通。四方爲極。雖有狼莠。
嘉田之所不容。雖有駑駘。羣驥之所必踈。尚何賞而

議論平正詞
章醇雅是一
有閑涉之作
也

邪正閑乎治
亂收結更警

不勸何摧而不伏何決而不行何塞而不止則伊旦
之功不足準三王之化不足爲也夫天生蒸民有物
有則堯舜之世不皆賢桀紂之世不皆愚禹臯用而
天下之不仁者化矣崇侯婦寺進而天下之不仁者
效矣故置醢則蚘生施飼則魚聚質漆則化虫祝則
似此物類相感之機也又何疑焉吾居下位非敢好
訕而禍在位也誠知邪正之機乃治亂之原不敢以
不辯也

張以忠曰觀此文氣格是一西漢元成間文字

又曰中段寫出季世景象士大夫宜一一深省

時明主聖雖
儉邪亦化爲
君子而天下
受其福主闇
時昏雖循吏
不免于改節
而生民蒙其
害是故激濁
揚清于上砥
修勵行于下
而民不安世
不治宗社不
靈長者古未
聞也讀斯文
者宜一撫躬
三省

崔銑五吏說

深文鍊法此苛吏也而世尚之曰法理之吏飭外修
譽此僞吏也而世尚之曰嚴明之吏逢顏逆向此佞
吏也而世尚之曰恭謙之吏暴斂厚征此賊吏也而
世尚之曰功能之吏巧征窬取此貪吏也而世尚之
曰材幹之吏近臣徇私愛而稱之世主采浮稱而禮
之禮之則加賞焉反是雖張季之平卓茂之真延壽
之正陽城之寬張堪之清近臣徇私惡而毀之世主
感羣議而弃之弃之則罰加焉非介士必因賞而改
心因罰而渝節五吏者治之蠹而貪爲之源也夫貪

非以自養已也。必遺近臣以求譽。於是取之豪右。豪右取之細民。取之豪右。什去其五矣。取之細民。什去其七矣。久則罄。夫徒貪民不懾而獲微也。必制以苛。苛必能而後行。必覆以僞。僞則謹民而恐上聞。必悅以佞。佞非征歛。無以自見也。必肆以賊。如是然後可以遂貪。是故五尚行而吏不良。五吏興而民不安。求國長治。弗可得矣。

張以忠曰：此憤世嫉邪之論也。讀之者髮指當之者。

汗顏

又曰：沈俊忼爽是崔先生本色。

袁袞懲胡論下

前篇言胡之得志中國也禍莫烈于女真而宋之不能酬耻于女真也害莫深于和好始終失策所以不克光復舊物江左偏安此篇言蒙古奄有中夏受禍為更酷焉滅倫紀蒙害為更深自開闢以來未之前聞者賴我太祖為萬靈

昔蒙古氏以陰山之餘孽。遘陽九之否運。遭宋祚將頽。金錄告訖。奮自沙漠。奄有中原。天獎其克。盜據神鼎。羶裘之長。偃然宸極。北窮幽陵。南界炎州。東際咸池。西漸虞淵。九夷八蠻。無思不服。自開創以來。獯鬻之強。提封之廣。未有逾此者也。然而醜俗昏風。多襲其故。詩書壞而禮樂崩。天地閉而賢人隱。聚麀之穢。扇乎宮帷。篡弑之禍。尋乎骨肉。三綱既絕。四維攸斁。由是大盜蜂起。神州鹿駭。涉勝之徒。竝起而亡胡于時。據州郡。竊名號者。二十有七姓焉。然皆政刑不修。

請命振舉義旅。芟刈羣雄。驅除北虜。乾坤蕩滌。日月重光。可謂建萬世之安矣。然餘孽尚留塞外。往往擾我邊圉。不肯稍息。成祖嗣服鼎宅。北平深維遺患。躬駕六飛。四空虜穴。斯真一勞永佚之神謨也。然再世而後。已已之變。萬雉幾搖。賴天之靈。鍾聲無恙。然

弑戮相勝。攻城屠邑。血流赤縣。以暴易暴。秦之與項。相去幾何。我太祖皇帝。躬龍虎之姿。總江河之旅。攬霸王之略。協天人之運。不階寸土。挺起塗山。首下采石。雄據金陵。深根固本。以基鴻業。內引江東之粟。外資淮泗之勢。熊羆霧集。爪牙川至。寤寐以來。王宋之英。虛受以納。陶劉之策。推轂以重。徐常之權。分閫以崇。李湯之任。羣策畢屈。百戰咸克。算無遺規。動無失慮。彭蠡之役。血戰累旬。湖水變赤。元兇授馘。雖黃帝之涿鹿。光武之昆陽。方斯蔑如也。遂乃九有歸心。三靈効順。不出建業。而分遣虎臣。摧劇寇如燎毛。掃

契虜寇侵往
往多警其爲
我中國患又
豈獨震及邊
垂已者奈之
何視徼外爲
綏圖而不深
維慮患乎殷
鑒不遠當國
者孟亦念諸

堅墉如風葉。中原廓清。河朔底定。殘胡孽醜。遠遁龍
荒。千古之克除。百王之耻雪。駿功茂烈。自生民以來。
未有如我。太祖者也。天下既定。厭苦兵革。雖肅清
沙漠。歲以爲常。猶未能窮追遐討。使王庭絕于幕南。
困獸篡于故穴也。我文皇帝深籌遠算。悟婁敬之
讜謨。念畱侯之遺策。以爲天子建都。必居形勝。金陵
偏安。非久長之至計也。睿衷天啓。秘略神授。爰卽幽
并。以爲鼎宅。左控遼海。後枕翳閭。三關虎踞。九邊繩
貫。固將以峻華夷之限。陋周秦之都者也。猶以不一
勞者不永佚。一日縱敵。百世之患。是故連年北討。志

自後虜亦稍
創

已巳之變迄
無能酬耻霍
恨者虜日益
得志以此

滅喬胡踰葱嶺出陰山勒銘碣乎燕然築京觀于瀚
海蕭條萬里都不見虜雖秦皇之却匈奴漢武之攘
單于固未能躬擐介冑蒙犯霜露離法宮之深密而
騁驚乎不毛之地如我文皇者也其爲子孫計萬
世之深遠也一再傳後邊防漸懈胡運復振已巳之
秋土水之禍至今寒心猶賴社稷有靈也先悔禍喪
君有君廟算亡失于謙竭忠于內石亨輸力于外京
城危急而九服宴然故能反皇輿于紫闥正帝座
乎黃屋然而受降要害之城河套沃饒之藪遂棄爲
外地水草耕牧虜獲其利成化以來火篩小王子跳

國初胡虜值
衰殘之運尙
時時寇侵邊
邑况經百年
蓄息之餘又
因土木得志
之後氣盛志
驕其易視我
中國久矣故
懲胡之策不
講虜患其未
有艾也

梁狔獫狁大同宣府延夏甘肅疲于奔命朝廷旰食殆
無寧歲迄乎今日吉囊侵擾尤異往時控弦十萬長
驅深入蹂踐疆場殘毀城堡烽火通于秦渭羽書飛
乎京轂挫衄不支失亡相繼情見力屈虜益得志又
以債帥成風驍將失職鹽法壞而弗修屯田廢而徒
設倉府空虛衣糧不給六邊之士枵腹荷殳日不一
飽寒冬栗烈衣不蔽體虜至則喪膽褫魄奔北不暇
虜退則上下相慶謂且亡事此誠賈生痛哭之秋江
統憂思之日也何則劉淵石勒之雄不能有晉也吐
蕃回紇之衆不能有唐也志不出金帛欲不過子女

遠慮許謨國
家大計莫急
于此

自○夫○金○元○肇○禍○虜○志○叵○測○其○心○且○曰○是○中○國○者○我○嘗○
據○有○之○矣○蓋○未○嘗○一○日○而○忘○中○國○也○繇○此○言○之○然○後○
知○文○皇○帝○之○慮○患○深○而○懲○胡○之○策○不○可○不○熟○講○也○

張以忠曰遠覽百年前事局灼見百年後情形總見

胡虜必不能一日忘中國中國人必不可

一日忘胡虜必掃穴犁庭如文皇之大

創而後聖子神孫庶可享久安永治之

福持論肫切憂思深長真當事者之藥石

也

國家治安難
賢才是賴賢
才用舍惟選
考課是關
今之選考既
不過憑之三
場之卷牘及
至考課又不
過聽之輟軸
之徇私于是
名寔淆而賢
否混正士踰
伏宵小盈廷
求國之治其
可幾乎此文
感激時事而
痛言之極其
忱爽

高岱賢實論

國家之所以不治者賢否之淆也賢否之所以不得者名寔之眩也雖有中主無不願治雖有亂世無不求賢然卒不能得賢而致治者眩于名寔故也書曰敷奏以言明試以功車服以庸此卽後世之選舉也又曰三載考績三考黜陟幽明此卽後世之考課也茲唐虞之治所由盛也漢興雖襲秦陋然其舉士之科猶曰孝廉茂才賢良方正至其任官也而其君猶汲汲於名實之綜核是雖不告朔而猶有餼羊之存也故三代而下漢治猶爲近古魏晉以來其舉之者

先幸歷代用
才得失以見
欲清賢否之
途先當審名
寔之辨

精神振發氣
勢雄勁識調
俱絕

以文藝其考之者以簿書。刻文藝之浮靡。而破簿書
之資格者。固已難其人矣。如是而欲求賢才之得。國
家之治。誠孟軻氏所謂緣木而求魚者乎。世之言治
者。乃諉於無賢。而託於才難之說。嗚呼。世豈有無賢
者哉。高帝之所與創。漢者亡秦之所擯也。太宗之所
與造。唐者暴隋之所斥也。驪山徒隸之氓。晉陽召募
之卒。一旦皆起而爲純臣名將。孰謂世之果無賢也。
然使秦隋而知其爲賢。則亦何肯擯斥之。而資漢唐
之用耶。其所以擯斥之者。束於條格之謬。障于毀譽
之言。而名實之不審也。明興幾二百年。求賢非不至。

吾恐隱污之行藏于衷而光大之議楊干廷者多也

于科目中循名責實洵難

也。所立之法。非不詳也。所病者。名實之眩。而賢才之不多得也。何以見其然也。今三歲而比士于鄉。又會比于京師。所得蓋千二百餘人。此千二百人者。固掄時之選。而弘化之才也。今取其所試之文而讀之。莫不宗聖而媿賢。崇王而黜伯。非五帝之佐。不列于議。非三王之輔。不纂于籍。蕭曹房杜而下。率置貶辭。信如所言。是國家三年之間。得尹說旦奭者。千二百人也。而百度之未熙。庶民之未乂。內治之未脩。外攘之未振者。奚以故也。則取之者。以名而未以實也。然猶可諉曰。舉之姑。以言俟其服官政。而後試之用也。則

若而人者唯
知植桃李于
私門國家利
病生民休戚
於我何預而
必以掄才幸
賢而已任哉

有考課之法焉。及觀其所以考之於用者。猶如是也。外則羣長考其鈐轄。而總之以制使。內則臺省各考其僚屬。而領之于考功。銓衡者又總攬而斟酌之。是非不詳也。然不公者。或徇于愛憎之私。不明者。或移於毀譽之謬。不精者。或蔽于簿書之欺。不勁者。或恇於權貴之撓。貪酷而欲薄其罰。則附于才力之不及。剛正而欲害其賢。則誣以素行之不謹。以廉舉者。以貪敗而不詰。舉者之非。以能薦者。以罷黜而不効。薦者之罪。其甚可惑者。則遷秩之後。復以前任而罷之。夫果不肖耶。何爲而遷也。果賢耶。又胡爲而罷也。垂

大臣無激濯
揚清之志而
惟知媚嫉賢
才于是所牽
皆僉壬所擯
皆君子可恨
可痛

益可深悼


謬○若○此○其○何○以○得○賢○才○之○實○而○服○天○下○之○心○乎○今○薦○
舉○之○疏○給○繇○之○籍○孰○不○曰○廉○曰○能○曰○勤○政○曰○剛○正○曰○
慈○恕○曰○公○明○其○績○莫○不○昭○然○有○可○紀○述○銓○部○錄○此○而○
進○退○之○是○年○黜○幽○而○歲○登○明○也○是○國○實○又○歲○得○尹○說○
旦○奭○若○干○人○也○然○而○百○度○之○未○熙○庶○民○之○未○又○內○政○
之○未○脩○外○攘○之○未○振○者○又○奚○以○故○也○則○考○之○者○以○名○
而○未○以○實○也○下○襲○上○訛○後○踵○前○弊○往○事○已○非○來○憂○方○
永○然○則○天○下○將○何○時○而○治○乎○今○國○家○幸○無○事○耳○內○外○
大○小○之○臣○率○玄○談○迂○論○一○旦○不○幸○而○有○事○吾○懼○其○可○
倚○而○重○者○必○不○多○也○何○以○知○其○然○也○往○年○宸○濠○作○逆○

正德十四年
寧王宸濠反
殺巡撫孫燧
副使許達

隱痛無窮

一旦而收縛九十餘人。此九十人皆百一而用。什一而存者。而當時伏節歿義。則孫許二臣而已耳。嗚呼。國家養士數千。拔此九十人而用之。崇之以高官。參之以厚祿。而盡忠報國止二人焉。是亦可痛哭而流涕也已。夫當時選舉之所遺任用之所棄。安知無更如二臣者乎。名實之眩而用舍之謬也。方今大羊縱橫疆場。多事頻歲。簡將連年。用兵而卒無建掃蕩之勲者。豈當今之世。獨無人乎其眩於名實之故耳。嗚呼。然則天下當何時而治乎。

張以忠曰。高才老識。而詞調雄勝。固屬名手。



中上策
魏延孫
劉使許

痛無窮

一旦而收縛九十餘人此九十人皆百一而用什一
而存者而當時伏節成義則孫許二臣而已耳嗚呼
國家養士數十拔此九十人而用之崇之以高官養
之以厚祿而盡忠報國止二人焉是亦可痛哭而流
涕也已夫當時選舉之所遺任用之所棄安知無更
如二臣者乎名實之眩而用舍之謬也方今太平
橫疆場多事頌旅簡將連年用兵而卒無建捕蕩之
勲者豈當今之世獨無人乎其眩於名實之故耳嗚
呼然則天下當何時而治乎

張以忠曰高才老識而詞調雄勝固屬名手

